



## POSTAUTOBUS

Musik & Text: Alfred Jaklitsch  
Album: Junischnee (2002)

JETZT DISKUTIEREN WIR DES SCHO  
DIE GONZE LONGE NOCHT  
UND DES HOT UNS BISHER REIN ÜBERHAUPT NIX BROCHT  
ES GABAT JO A NO VÜ ONDRE SOCHN ZU BEREDN  
NUR GROD IN DEM PUNKT SAMA MA  
UNS NIE SO GONZ SICHER GWEN  
DENN GROD WOS DES BETRIFFT  
GIBTS EINE MEINUNGSVIELFOLT  
SEI SO GUAT MOCH DIE TÜR ZUA  
ES ZIAGT UND ES WIRD A WENG KOIT

GROD DO GENGAN DIE MEINUNGEN  
AUSANONDA WIA DER WETTERBERICHT  
WIR WARN FOST AMOI STREITAD WORDN  
DESWEGN A GONZ A BLEDE GSCHICHT  
ES GIBT A DIE DIE SOGN DASS DARAUF  
JO DENNAWOI NIT OKIMMT  
OBA I SOG DO FONGT SA SI O DASS MA A  
SOLCHE SOCHN ERNST NIMMT  
FREILI KONN MA AUSMOCHA LOSS  
MA DES THEMA VORLÄUFIG IN RUAH  
OBA DES IS KOA LÖSUNG SEI SO GUAT  
MOCH DIE TÜR ENDLICH ZUA

LETZENS ZUM BEISPIEL OISO DO HOCKT  
SO OANER BEI UNS DABEI  
DER HOT GMOANT ES GEHT UM DIE  
POST OISO EINWONDREIFREI  
IMMERHIN GHÖRT ER DER POST  
UND DER CHAFFEUR IS A BA DER POST  
WIR HOBN UNS DIE ARGUMENTE  
NATÜRLICH OLLE SEHR GENAU ONGLOST  
WEIL ER HOT NIT UNRECHT  
UND ES STEHT JO A DRAUF  
GE WÜLLST MI SEKKIERN  
DIE TÜR SIE IS ALLWEIL NO AUF

UND DONN GIBT S DIE ONDERN DE SOGN  
SIS GONZ KLOAR A BUS  
OBA TAUSENDPROZENTIG WOASS KOANER  
UND GENAU DES IS DER VERDRUSS

WEIL ES GIBT A DIE DIE SOGN DES AUTO  
IS DES TRANSPORTMITTEL GWEN  
OBA AM LÄSTIGSTEN SAN DIE  
DIE AMOI UND AMOI SO DAHERREDN  
DES OANZIGE WOS SI NIT ÄNDERT  
UND DES IS GWISS  
DASS DIE TÜR KOANA ZUAMACHT  
UND SI ALLWEIL NO OFFEN IS

VIELLEICHT MIASSMA A ZUR KENNTNIS NEHMA  
DASS MA SO NIT WETERKEMMA  
DASS MA DO ONSTEHAT WERDN  
WÜS DES A KOANA GERN HÖRN  
ODER VIELLEICHT GIBTS IRGENDWO  
HONGKONG LUPITSCH ODER SO  
OAN DER LIEFERT DEN BEWEIS  
DER KRIAGAT A DONN NATÜRLICH AN PREIS  
WIR WISSNS NIT BESSER OB POST ODER BUS  
SIS GSCHEITER WIR MOCH AN HIAZ SCLUSS

OBA ES LOASST MA KOA RUAH  
UND DIE TÜR IS ALLWEIL NO NIT ZUA

HOASSTS JETZT  
POST AUTOBUS.....